

**ზესტაფონის რაიონული სასამართლოს 2023 წლის ანგარიში
საქართველოს ზოგადი ადმინისტრაციული კოდექსის შესაბამისად საჯარო ინფორმაციის
გაცემის თაობაზე**

საქართველოს ზოგადი ადმინისტრაციული კოდექსის ინფორმაციის თავისუფლების შესახებ III თავით გათვალისწინებული მოთხოვნების შესრულების მიზნით, ზესტაფონის რაიონული სასამართლოს თავმჯდომარის ბრძანებით დადგენილია კანცელარიისა და მოქალაქეთა მისაღები განყოფილების უფროსი- მეორადი სტრუქტურული ერთეულის ხელმძღვანელი თეა ჩინჩალაძე.

სასამართლოს საქმიანობის თავისებურების გათვალისწინებით, ზესტაფონის რაიონული სასამართლოს მიერ საჯარო ინფორმაციის გაცემა მოიცავს მოთხოვნილი მასალების ქსეროასლების ან ელექტრონული მატარებლის მეშვეობით ინფორმაციის მიწოდებას, სტატისტიკურ მონაცემთა გაცემას და ა.შ.

2022 წლის 08 დეკემბრიდან 2023 წლის 08 დეკემბრის ჩათვლით, ზესტაფონის რაიონულ სასამართლოში საჯარო ინფორმაციის გაცემის მოთხოვნით შემოვიდა 64 განცხადება. შემოსულ განაცხადთაგან: 8 - განცხადება დაკმაყოფილდა სრულად, 2- განცხადება დაკმაყოფილდა ნაწილობრივ, 1 - განცხადება დარჩა განუხილველი (განცხადების გახშობის გამო), 1 - განცხადება გადაიგზავნა განსჯადობით, 52 - განცხადება არ დაკმაყოფილდა. თერჯოლისა და ხარაგაულის მაგისტრატ სასამართლოებში შემოვიდა 30-30 განცხადება საჯარო ინფორმაციის გაცემის მოთხოვნით, რაც არ დაკმაყოფილდა.

საჯარო ინფორმაციის გაცემის შესახებ განცხადებებზე გადაწყვეტილებები მიღებული იქნა სასამართლოს კანცელარიისა და მოქალაქეთა მისაღები განყოფილების უფროსის-მეორადი სტრუქტურული ერთეულის ხელმძღვანელის თეა ჩინჩალაძის მიერ.

საკანონმდებლო აქტები, რომლებსაც დაეყრდნო საჯარო დაწესებულება საჯარო ინფორმაციის გაცემაზე უარის თქმისას - საქართველოს ზოგადი ადმინისტრაციული კოდექსი და „პერსონალურ მონაცემთა დაცვის შესახებ“ საქართველოს კანონი.

საჯარო ინფორმაციის გაცემაზე უარის თქმის ნაწილში მიღებული გადაწყვეტილება არ გასაჩივრებულა.

საჯარო ინფორმაციაში შესწორების შეტანის თაობაზე მოთხოვნა ზესტაფონის რაიონულ სასამართლოში არ შემოსულა.

საჯარო მოსამსახურეთა მიერ საქართველოს ზოგადი ადმინისტრაციული კოდექსის დარღვევის და პასუხისმგებელი პირებისათვის დისციპლინური სახდელის დადების ფაქტი არ ყოფილა.

თეა ჩინჩალაძე

საჯარო ინფორმაციის ხელმისაწვდომობის
უზრუნველყოფისა და ინფორმაციის პროაქტიულ
გამოქვეყნებაზე პასუხისმგებელი პირი -
კანცელარიისა და მოქალაქეთა მისაღები
განყოფილების უფროსი
მეორადი სტრუქტურული ერთეულის ხელმძღვანელი